

ህድገትና
ህድሃድ
ህድገትና ህድሃድ ና

KAREN M. McMANUS

ONE
OF US
IS BACK

ՔԱՐԵՆ ՄԱԿՄԱՐԵՈՒՄ

ԱԲՁՆԻՑ
ԱԲԿԸ
ՎԵՐԱԴՊԱՐՁԵԼ Ե

ՎԵՊ

Թարգմանությունն անգլերենից՝
Աստղիկ Աթաբեկյանի



ԵՐԵՎԱՆ
2025

ՀՏԴ 821.111(73)-31 Մակմանուս

ԳՄԴ 84(7ԱՄՆ)-44

Մ 180

Մակմանուս Քարեն

Մ 180 Մեզնից մեկը վերադարձել է: Վեպ / Ք Մակմանուս.- եր.: Newmag,
2025.- 444 էջ:

Երրորդ խաղը ճակատագրական է: Սայմոնի մահից երկու տարի անց Բեյվյուի ընկերախումբը փորձում է հաղթահարել իրադարձությունների հետևանքները: Սկզբում նրանք ստիպված էին ապացուցել, որ մարդասպան չեն: Հետո նոր սերունդը պայքարեց վրեժխնդիր լինող կրկնօրինակի դեմ ու հաղթեց: Այժմ Բեյվյուի քառյակը վերադարձել է տուն՝ ամառային հանգստի համար: Բայց Բեյվյուում կյանքը երբեք հանդարտ չի լինում: «Նոր խաղի ժամանակն է, Բեյվյուն» գրությանը գովազդային վահանակը սկզբում չար կատակ թվաց: Բայց թիմի անդամի անհետացումից հետո ակնհայտ էր, որ խաղն իրական է՝ առանց խաղավարի ու նույնիսկ կանոնների: Սարսափ խաղը կարող է մահով ավարտվել: Չէ՞ որ Սայմոնը ճիշտ էր. գաղտնիքները մի օր անպայման բացահայտվում են, Բեյվյուն էլ թաքցնելու շատ բան ունի:

ՀՏԴ 821.111(73)-31 Մակմանուս

ԳՄԴ 84(7ԱՄՆ)-44

Գլխավոր գործընկեր՝

«ՈՍԿԱՆ ԵՐԵՎԱՆԹԻ»

տպագրատուն - հրատարակչություն

veprint.am



ՈՍԿԱՆ ԵՐԵՎԱՆԹԻ
ԵՐԵՎԱՆԻ ՊՐԻՆՏԻՆԳ և ԿՈՄՊՅՈՒՏԵՐԻՆԳ

ISBN 978-9939-967-96-7

Text copyright © 2023 by Karen M. McManus, LLC

Քարեն Մակմանուս, «Մեզնից մեկը վերադարձել է» © 2025, «ՆյուՄեգ» ՍՊԸ

Այս գրքի հայերեն թարգմանության և հրատարակության իրավունքները պատկանում են «Նյու Մեգ» ՍՊԸ-ին: Իրավունքները ձեռք են բերվել հեղինակի հետ կնքած պայմանագրով:

Բովանդակություն

Մաս 1	11
Մաս 2	233
Երախտագիտության խոսք	439

Ընթերցողներին

+

Edit

Contacts

ՍՓ	Ադի Փրենթիս Բեյվլուփ առաջին բառյակից մեկը, «Քոնտիգո» սրճարան	ⓘ
ՍՓ	Աշթոն Փրենթիս Ադիի բույրը	ⓘ
ԲՈ	Բրոնուին Ռոխաս Բեյվլուփ առաջին բառյակից մեկը, Մեյվի բույրը	ⓘ
ԿՔ	Կուպեր Բլեյ Բեյվլուփ առաջին բառյակից մեկը	ⓘ
ԷՔ	Էլի Քլայնֆելդեր «Քանի դեռ ապացուցված չէ», փաստաբան, Ադիի փեսաս	ⓘ
ԷԼ	Էմմա Լոթոն Ֆիբիի բույրը, Բեյվլուփ նախկին ուսանող	ⓘ
ՑՈ	Տեկ Ռիորդան Ադիի նախկին ընկերը	ⓘ
ՔՍ	Քիլի Սորիա Կուպերի նախկին ընկերուհին	ⓘ
ՆՍ	Նոբա Մայերս Բեյվլուփ թիմի անդամ, «Քանի դեռ ապացուցված չէ»	ⓘ
ՔԲ	Քրիս Բեքեր Կուպերի ընկերը	ⓘ
ԼՍ	Լուիս Սանթոս Մեյվի ընկերը, «Քոնտիգո» սրճարան	ⓘ
ՄՈ	Մեյվ Ռոխաս Բեյվլուփ թիմի անդամ, Բրոնուինի բույրը	ⓘ
ՆՍ	Նեյթ Մաբուլի Բեյվլուփ առաջին բառյակից մեկը	ⓘ
ՖԼ	Ֆիբի Լոթոն Բեյվլուփ թիմի անդամ, «Քոնտիգո» սրճարան	ⓘ
ՍՔ	Սայմոն Քելեհեր «Այդ մասին» բամբասանքի հավելվածի ստեղծողը	ⓘ
ՎՍ	Վանեսա Մերիման Բեյվլուփ նախկին ուսանող	ⓘ

ՄԱՍ ԱՌԱՋԻՆ

ԳԼՈՒԽ ԱՌԱՋԻՆ

Ադի

Երկուշաբթի, հունիսի 22

— Լճորջ, սա՛մ ենք նայելու:

Մեյվը նախ բարձրացնում է հեռակառավարման վահանակը, ապա՝ ունքերը: Ձևական զարմանքը նյարդայնացնում է ինձ. չե՛ր որ փայլուն գիտի, որ դա ենք նայելու: *Այդ պատճառով է, որ այս ամառային գեղեցիկ օրը նստած ենք հեռուստացույցի առաջ:*

— Քեզ ղվ էր խնդրում ինձ հրավիրես, – հիշեցնում են նրան՝ խլելով վահանակը, քանի դեռ չի շարտել սենյակի մյուս անկյունը: Միացնում են հեռուստացույցը, ալիքների բաժնում փնտրում ու գտնում իմ ուզածը: – Տանն էլ վատ չէի զգում:

— Այսպիսի տեսանյութերից հետո միշտ վատ ես զգում, – ձայն է տալիս Բրոնուիկը չափազանց փափուկ բազմոցի մի անկյունից:

Ռոխասների մեդիա սենյակը շատ ավելի հարմարավետ է հեռուստացույց նայելու համար, քան իմ հյուրասենյակը, դրան գումարած ևս մի առավելություն՝ հավանականությունը,

որ մայրս ներս կմտնի, գրո է: Չնայած մոռացել էի, որ հաճելի միջավայրում տեսանյութը դիտելիս շրջապատված եմ լինելու ահռելի մեծ հոգատարությամբ. մի քանի շաբաթ առաջ Բրոնտիկը վերադարձել էր ելլից՝ ամառը մեզ հետ անցկացնելու, և անմիջապես էլ սկսեց ղեկավարել իմ կյանքը, կարծես հրամաններ տվող ավագ քույրս հերիք չէր ինձ:

Չէ, չեմ բողբոմ: Կարոտել եմ նրա հետ զրույցները Բեյվյուի քառյակի ընդհանուր չաթում, որի անվանումը, ճիշտն ասած, պետք է փոխել, որովհետև հիմա ինը մասնակից կա՝ ես, Բրոնտիկը, Նեյթ Մաքոլին, Մեյվն ու նրա ընկերը՝ Լուիս Սանթոսը, Կուպեր Քլեյը ու նրա ընկերը՝ Քրիս Բեքերը, և Մեյվի հետ Բեյվյուի ավարտական դասարան տեղափոխված Ֆիբի Լոթոնն ու Նոքս Մայերսը: Զույգերի չաթ է՝ բացի ինձնից և վերջին երկուսից: Չնայած երևի միայն ինձնից, քանի որ ոչ ոք այլևս չի հավատում Ֆիբիի ու Նոքսի պնդումներին, թե իրենք ուղղակի ընկերներ են:

Գուցե «Բեյվյուի թիմ»: Վերցնում եմ հեռախոսս և խմբագրում խմբային չաթի անվանումը: Վատ չէ:

— Ո՞վ է այս տղան, — հարցնում է Մեյվը և աչքերը կկոցելով՝ նայում է կրանին: — Նա կներկայանամ...

— Չէ, — արագ ասում եմ ես: — Սա «Իսթենդ Հայ» հաղորդումը չէ: Այն ժամը երեքին է սկսվում: Սա... Ճիշտն ասած՝ գաղափար չունեմ:

— Քաղաքային խորհրդի նիստ է, — ասում է Բրոնտիկը: Բա՞րնց, կիմանա. նրա համար ժամանցային ծրագիր է: — Կարծես թե բյուջեի քվեարկությունն են ավարտում:

— Ցնցող է: Բայց գոնե *կարևոր բան է*, — Մեյվը կտրուկ շարժումով ոտքերը դնում է սուրճի սեղանին ու ցավից ծամա-

ծռվում է, երբ կրունկները խփում է մարմարե մակերեսին: – Գոնե արժանի է եթեր դուրս գալ: Ինչը չես ասի...

— Տեղական կաթելային ալիք է, Մեյվ,– ընդհատում եմ ես: – Հատուկ չեն ընտրում, թե ինչ ցույց տան:

Ձայնս հանդարտ է, բայց սիրտս անհանգիստ բարբախում է, և ես տանջվում եմ երկու քարի արանքում. մի կողմից՝ կուզեի մենակ լինել, մյուս կողմից՝ շնորհակալ եմ, որ մենակ չեմ: Քաղաքային խորհրդի անդամը, որի ելույթը դիտում ենք, հայտարարում է, որ նիստն ավարտված է: Էկրանը խամրում է, և հնչում է երաժշտական դադար՝ երկու հաղորդումների միջև: Բրոնուիկը, Մեյվը և ես լուռ նստած լսում ենք. «The Girl from Ipanema» երգի անսովոր խիզախ գործիքային տարբերակ է հիշեցնում:

Հետո Էկրանին հայտնվում է դպրոցի կիսադատարկ լսարանը՝ «խալենդի ավագ դպրոց. ամառային աշխատարանների շարք» մակագրությամբ: Մինչև կիսացնեմ արձագանքել, Բրոնուիկը կտրուկ պոկվում է բազմոցից, նետվում իմ կողմն ու ամուր գրկում:

— Վայ, տեր Աստված, ինչ ես անում,– փնթփնթում եմ ես՝ հեռախոսս գցելով բարձին:

— Դու մենակ չես, Ադի,– ոգևորված շշնջում է Բրոնուիկը:

Ինձ պարուրում է կանաչ խնձորի հոտը. Բրոնուիկի շամպունն է: Ինչքան ծանաչում եմ նրան, դա է օգտագործում: Գուցե ավելի վաղուց, չէ՞ որ Բրոնուիկը սովորության մարդ է: Մի ժամանակ, երբ Նեյթը շատ էր նեղվում իրենց հեռակա հարաբերությունների պատճառով, նրան նվիրեցի այդ շամպունից՝ մեծ կարմիր ժապավենով: Նեյթը հունից դուրս եկավ (ձիշտն ասած՝ ուզածս էլ հենց դա էր. միշտ զվարճալի